

Cauhbingz Yen Banh Aen Ban Son' gyauq Ceihleix Cunghgyau Lajmbanj Bi 2025

7 nyied 16 hauh, Cauhbingz Yen youq yenveij dangjyau banh aen ban son' gyauq ceihleix cunghgyau lajmbanj bi 2025. 160 boux dangcujciz suhgi daj daengx yienh 160 aen mbanj(segih) daeuj camgya baez son' gyauq neix.

Son' gyauq daj "gij lwnhgangj youqgaenj gvendaengz hong cunghgyau Siz Ginbingz cungjsuhgi" "nyinhrox cunghgyau" "guh ndei gij siengfap caeuq banhfap hong cunghgyau lajmbanj" "gejnaeuz gij cungdenj cwngcwz fapgvi cunghgyau" seiq fuengmienh, doiq gij fuengcim cwngcwz,

faplwd fapgvi, saenqngiengx ndawbiengz daengj hong cunghgyau aen Dangj guh ciendaez son' gyauq, caemhcai q giethab guhhong ginghyen caeuq caensaed anqlaeh bae son gyoengq yozyenz baenzlawz gveihfan guenjeleix dieg saenqngiengx hozdung ndawbiengz, engq ndei daezsang gij eijsik faplwd fapgvi caeuq cwngcwz suijsingz gihcwngz cunghgyau ganbu.

Doenggyaq son' gyauq, gyoengq ganbu gak aen mbanj(segih) foenfoen naeuz, boux minzczu cunghgyau ganbu caeuq cunghgyau sinsizyenz

gihcwngz dwg aen gvanhgen guh ndei hong minzczu cunghgyau "aen goengleix doeklaeng", guh boux cunghgyau ganbu caeuq cunghgyau sinsizyenz gihcwngz, wngdang mboujduenh gyagiengz hagsib cunghgyau cwngcwz fapgvi, mboujduenh daezswng guhhong naengzlig, nyinhcaen ciuqhengz cizvu, gibseiz fatyienh caeuq vaqgej gij yinhsu mbouj onjdingh cunghgyau lingjiyiz lajmbanj, henhoh lajmbanj sevei huzndei onjdingh, vih lajmbanj saenqhwnz cau ok vanzging ndei.

(Cauh Ancingh/周岸青 Cwngh Giz/曾琪)



▲Gyoengq hagseng cazyawj Lueggaeuhung.

Se Liengzyij ingj

Hozdung Doxgyau Gyauyuz Boux-coz Nyezrauh Gvangjsih Aumwnz Mbaetyungh Raemx Haidoengh

7 nyied 15 hauh, 2025 nienz hozdung doxgyau gyauyuz bouxcoz nyezrauh Gvangjsih Aumwnz mbaetyungh raemx youq Gvangjsih Lueggaeuhung haidoengh. Mbat hozdung neix, muzdiz dwg hawj song dieg hagseng hamj gvaq biengzdieg, caenndang daejniemh gij dinfwngz cauhoq saedguh guenjeleix caeuq mbaetyungh raemx guek raeuz, engq rox vihmaz baujhoh raemx dwg saeh hung guek raeuz, doengzcaez daezswng gij eijsik cwzyin gohyoz yungh raemx caeuq henhoh raemx.

(Se Liengzyij/谢梁雨 Vangz Lizhaij/黄立海)



▲Canghheiq diuq foux 《Boux Souj Veh》.

Lij Ginh ingj

Ningzmingz Guh Cawjdaez Vanjvei Angqhoh Vehbaengxdad Byaraiz Bauq Ndae Baenz Seiogyaiq Yizcanj 9 Hopbi

7 nyied 19 hauh, gwnz gvangjczangz baihnaj Ningzmingz Lozyez Vwnzvagungh vunz lai vunz daih, sing bekwngz lumj raemxcauz, cawjdaez vanjvei angqhoh Cojgyangh Vehbaengxdad Byaraiz bauq ndae baenz seiogyaiq yizcanj 9 hopbi youq gizneix guh. Doenggyaq vanjvei, Ningzmingz Yen yiegg seiogyaiq baijok gij vwnzva gyaciz caeuq cwngzgoj baujhoh Vehbaengxdad Byaraiz, doengzeiz hix vih doidoengh dangdieg vwnzva lijyouz yungzhab hwngfat dwk haeuj rengzdoengh moq.

(Lij Ginh/李金 Vangz Ciuhvaz/黄秋华 Liuz Yijcingz/刘雨晴)

Bwzswz: 8.6 Fanh Moux Haeuxcaeux Haidaeuz Sou

7 nyied 16 hauh, Bwzswz Si Denzyangz Gih Douz dangz Cin haujlai aen giekdeih ndaem haeux lajmbanj ndawde, aen gihgi gvej haeux youq ndaw naz sou haeux, bouxndaemnaz cang daeh liux daeh haeux bae langh, dak, doenghnaz nyaengqdikdik. Gaengawq dunggi, 7 nyied 14 hauh daengz 16 hauh, daengx gih gaeng sou haeuxnaz 1.6 fanh moux.

(Vangz Gozsun/黄国顺 Cauh Cinghczenz/邹清泉)



▲Bouxndaemnaz cang haeux roengz daeh.

Vangz Gozsun ingj